

Ta parce cu Hulanda tin su candidato dicidi caba:

Rumornan fuerte ta core cu Minister Refunjol lo no bira Gobernador

ORANJESTAD (AAN) — Rumornan fuerte a core e fin di siman aki, cu ta parce cu Hulanda tin su candidato caba pa bira e proximo Gobernador pa Aruba. Definitivamente, Hulanda lo no acepta nombramento di e actual Minister di Enseñanza señor Freddy Refunjol, pasobra e rekisitonan a cambia y awor tin e exigencia cu e persona cu ocupa un cargo di tal magnitud mester ta Abogado.

Cu hopi insistencia ta ser comenta den diferente circulo cu un Huez Hulandes biba na Aruba pa hopi aña y ken actualmente ta representa nos pais den e Consejo di Estado di Reino, lo bira e proximo gobernador. Esaki, DIARIO ta ripiti ta rumornan, cu a core rond den fin di siman, pero cu a worde comenta for di boca di hende serio y cu ta considera e Huez concerni como un Arubiano caba, no solamente

pa su añanan na Aruba y su conocimiento di nos comunidad, pero tambe pasobra e ta goza di hopi aprecio den nos pueblo.

Ta trata aki di un persona cu a funciona den un puesto halto den Cuerpo Policial di Aruba, y ken den caso di extradicion di yiuinan di tera a reclama Hulanda cu Aruba tambe mester haya e derecho di apelacion y esaki a worde honra tambe.

Tin indicacion cu den pasado e persona aki a aplica pa e cargo di Gobernacion, pero pa motibonan politico su peticion a ser rechaza.

Pero e biaha aki, como cu el a traha pa Aruba hopi demostrando su gran aprecio pa nos pais, y cu e tin un bon nomber den nos comunidad, ademas di un trayectoria riba tereno di husticia intachable, pa esnan cu tin cu dicidi na Hulanda e ta e persona ideal. Pues tin rumornan cu Hulanda lo no honra e candidato presenta pa Gobierno di Aruba, y lo no cambia su decision tampoco.

En todo caso, na Januari kico, y si e version aki ta 2004 nos lo haya sa kico ta cuadra cu e berdad.

Segun Ponson

E aña aki menos permiso di bende klapchi a worde duna

ORANJESTAD(AAN) -- Sr. Ponson trahando na DOW kende ta un experto den explosivo y ta forma parti di e comision di klapchi a muestra cu e aña aki menos permiso pa bende klapchi a worde duna compara cu 2003.

Ponson a splica cu aña pasa e cantidad di permiso cu a duna tabata mas cu 150, mientras cu e aña aki e cantidad di peticion cu a haya pa bendemento di klapchi ta 123. Ta asina cu di e 123 permiso cu a worde pidi, 11 permiso no a worde busca mes na DOW.

Durante e controlnan di e comision di klapchi, diferente lugarnan cu no por a cumpli cu e exigencianan cu tin, no a habri nan lugar di bende klapchi.

Ademas di esaki, te asina leu cu e controlnan ta andando, a cera 5 lugar di bende klapchi acerca.

Ponson ta satisfecho cu e forma con e bendedornan di klapchi ta cumpliendo cu e reglanan cu tin.

Ningun detaye si acaso Aruba tambe ta stop importa carni di Merca


ORANJESTAD (AAN): Durante e fin di siman largo, no a tende nada oficialmente di Gobierno di Aruba relaciona cu e hecho cu Malesa di Baca Loco a worde registra na Merca, y cu varios pais den region a impone un prohibicion inmediato pa importa carni di Merca.

No obstante e dianan di fiesta, tog varios pais a drenta den accion y a prohibi importacion di carni for di Merca, pa defende nan pueblo contra e posible malesa di Baca Loco.

Te cu week-end, e paisnan cu ya caba a prohibi importacion di carni di Merca ta: Argentina, Australia, Brasil, Cambodia, Canada (limita na carni procesa), Chile, China, Colombia, Costa Rica, Egipto, Hong Kong, Indonesia, Jamaica, Japon, Malaysia, Mexico, Nicaragua, Peru, Rusia, Singapore, Taiwan, Thailandia, Uruguay, Venezuela, Vietnam, Zuid Africa, y Zuid Korea.



CON PA MIDI ECONOMIA!!



E CD PA COMPUTER CU WEGAN POLITICO ARUBANO TA OBTENIBLE NA CAMACURI SNACK PARIBA DI VELD DI CLUB CARIBE Y TAMBE NA TUR CHECKPOINTCOLOR. PA INFO Y DELIVERY YAMA TEL: 5828006 WWW.WEGAWEGA.COM

BEST DEAL

Tel: 5827050

(Pariba di Aruba Bank, Paradera)

BEST SHOPPING DEAL

Turibana Plaza

Tel: 5865455

Blender

Afl. 39,95

SPECIAL